



27 Setembru 2019

KOMUNIKADU DA IMPRENSA
Asina Nota Intendimentu (MOU)

Entre

Kaebauk Investimentu no Finansas, SA (KIF) Ho Instituisaun Matadalan Integradu (IMI)

Iha loron 27 fulan Setembru 2019, Kaebauk Investimentu no Finansas, S.A. (KIF) asina Nota Intendimentu ho Instituisaun Matadalan Integradu (IMI) hodi fo subsidiu finanseiru ba sira nia programa pilotu, konsersaun ba rai no halo introdusaun ba sistema agro floresta modernu. Projeitu ne'e sei sai nudar projeitu pilotu ida nebe sei halo iha suco Gulolo, postu Letefoho Munisipio Ermera. Objetivu husi projeitu ida ne'e mak atu hasae konesimentu komunidadade sira kona ba konsersaun ba rai iha rai molik sira nebe lokaliza iha rai lolon no mos oinsa atu usa rai sira ne'e hodi kuda fali ai oan sira nebe bele fo retornu finanseiru ba iha komunidadade sira. Ai- oan sira ne'e inklui rambutan, ai nanas, klengkeng no sira seluk tan. Liu husi projeitu ida ne'e, KIF no IMI espera katak komunidadade sira seluk bele mos aproveita programa ida ne'e hodi habelar liu tan ba iha fatin sira seluk.

Iha fim 2018, Komite Corporate Social Responsibility (CSR) nebe forma husi KIF nia Membru Konselu Administrativu decide atu fo suporta ba programa sosial nebe bele resolve problema enviromentu iha rai laran. Iha inisiu 2019, Kaebauk simu proposta husi organizasaun balu iha Timor laran tomak nebe applika ba programa CSR. Husi aplikante sira ne'e, Komite CSR halo revisaun klean no hare katak IMI iha kapasidade no esperiensa nebe signifikativu iha parte enviromentu.

KIF nia programa CSR ne se halo kada tinan no sei hare ba programa sosial nebe fo impaktu sustentavel ba ema barak. Inisiativu ida ne'e halo tanba KIF laos hare deit ba nia lukru maibe halo oinsa lukru ne'e bele resolve problema sosial iha rai laran.

KIF nudar instituisaun finanseira nebe hetan lisensa husi Banco Sentral de Timor Leste iha tinan 2016. KIF nia misaun mak oferese servisu mikrofinansas (fo empresta osan no fo fasilidade rai osan) ba ema barak liu liu ba sira nebe laiha asesu ba iha sistema finanseiru formal hodi nune'e bele hadia ema nia moris no hakbi'it feto sira. Agora dadauk KIF iha hamutuk 22 sukursal no sub sukursal 4 iha Timor Laran tomak no total staff hamutuk 296.

KIF instituisaun sosio ida nebe kompostu husi Tuba Rai Metin, Based Pyramid of Asia (BOPA), International Finance Corporation (IFC) no Asosiasaun Turame (Tuir Rasik Mehi).

REMATA

KAEBAUK INVESTIMENTU NO FINANSAS, S.A.

Avenida de Portugal, Aitarak Laran, Embaicada China Sorin Los, Dili, Timor-Leste
Telefone: +670-3322602/+670-8001003 e-mail: info@kif.tl Web: www.kaebauk.tl



KAEBAUK
san